

OPĆINA TEŠANJ

IZVJEŠTAJ 2017.

OPĆINSKOG NAČELNIKA

za period od 01.01. do 31.12.2017. godine

Broj: 02-49-2-142/18.

Datum: 20.01.2018. godine

SADRŽAJ

<i>UVOD</i>	3
<i>LOKALNA UPRAVA</i>	3
<i>REALIZACIJA STRATEŠKIH DOKUMENATA</i>	5
<i>BUDŽET OPĆINE TEŠANJ</i>	5
<i>EKONOMIJA I POSLOVNO OKRUŽENJE</i>	5
<i>EKOLOGIJA I OKOLIŠ</i>	7
<i>MLADI</i>	9
<i>KULTURA I NASLIJEĐE</i>	10
<i>POLJOPRIVREDA</i>	10
<i>KOMUNALNA INFRASTRUKTURA I SAOBRAĆAJ</i>	11
<i>JAVNA PREDUZEĆA I USTANOVE</i>	12
<i>MJESNE ZAJEDNICE</i>	12
<i>NVO</i>	13
<i>BORAČKE POPULACIJE</i>	13
<i>PENZIONERI, SOCIJALNA ZAŠTITA</i>	14
<i>DOMAĆE I MEĐUNARODNE INSTITUCIJE-SARADNJA SA DRUGIMA</i>	15

„Život je kao vožnja biciklom,
treba neprestano ići naprijed, bez zaustavljanja, da se ne izgubi ravnoteža“

Alfred Ajnštajn

UVOD

Općinski načelnik i Općinsko vijeće Tešanj dva su lokalna organa lokalne vlasti i zajednički su odgovorni za funkcioniranje jedinice lokalne samouprave, te pojedinačno odgovornosti za ostvarivanje vlastitih nadležnosti. Pomenuta odgovornost proizilazi iz izvornih (direktnih) i prenesenih (dodijeljenih) nadležnosti općine. Ove nadležnosti se mogu dijeliti na servisne (pružanje usluga) i regulatorne (utvrđivanje određenih politika, predlaganje i donošenje odluka, planiranje i koordiniranje određenih aktivnosti). Odnosi Načelnika i Općinskog vijeća su međuzavisni.

Ostvarivanje općinske politike (kako to Statut navodi) nešto je o čemu Općinski načelnik podnosi izvještaj Općinskom vijeću.

Izvještaj za 2017. godinu je rađen u cjelovitom obliku sa informacijama na godišnjem nivou iz različitih područja djelovanja. O svakoj od oblasti bi se moglo još mnogo reći, a s druge strane ima područja ili aktivnosti koje su važne za život svih nas a nisu u Izvještaju ili zbog stvarne nadležnosti lokalne samouprave i Načelnika ili ograničenosti Izvještaja. Na kraju, nema definisane forme za ovakve izvještaje, kao što ni sama forma ne znači mnogo ukoliko neko želi ili ne želi iz iste iščitati ili prepoznati suštinu.

Ovaj izvještaj zapravo sadrži samo dio informacija, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su u brojnim informacijama i izvještajima koje tokom godine razmatra Općinsko vijeće (*Izvještaj o realizaciji kapitalnih projekata, Izvještaji o izvršenju Budžeta, Informacija o realizaciji Strategije općine Tešanj, Informacija/izvještaji o poslovanju javnih ustanova i preduzeća na području općine Tešanj, Informacija o stanju poljoprivrede i realizaciji općinskog poticaja na području općine Tešanj, Informacija o izvršenom deminiranju, trajnom obilježavanju i uklanjanju NUS-a na području općine Tešanj, Informacija o radu mjesnih zajednica, Informacija o radu nevladinih organizacija na općini Tešanj, Informacija o organizovanju i funkcioniranju sistema zaštite i spašavanja i zaštite od požara, Informacija o ostvarivanju prava pripadnika boračkih populacija putem Službe za boračko-invalidsku zaštitu, Informacija o zimskom održavanju lokalnih puteva na području općine Tešanj, Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama, Informacija o rješavanju statusa izbjeglih i raseljenih lica na području općine Tešanj*). U svim ovim izvještajima i informacijama sadržane su informacije o ostvarenju općinske politike u različitim oblastima.

LOKALNA UPRAVA

Poslovi u Općini Tešanj obavljaju se u 5 službi od strane 82 uposlenika uposlenih na neodređeno vrijeme, 2 uposlenika na određeno vrijeme do 2 godine, kao i 1 savjetnik Općinskog načelnika i Općinski načelnik. Radni odnos je prestao kod 3 uposlenika, s tim da su zaposlena 3 nova uposlenika. Ovo je sigurno najmanji broj zaposlenih u nekoj općini u BiH u odnosu na broj stanovnika .

a) *Neposredno rukovođenje lokalnom upravom*

Realizirano je ukupno 30 sastanka rukovodstva općine na kojima je razmatrano 75 tačaka dnevnog reda. Svi zapisnici su javni i nalaze se na općinskoj web stranici. Općinski načelnik je prema nadležnosti aktivni sudionik administrativnih procesa u općini i odgovoran za izvršenje Budžeta. Time se u stvari veliki dio vremena posveti redovnim poslovima rukovođenja općinskim organom uprave.

b) *Servisiranje rada Općinskog vijeća*

Općinski načelnik i uprava servisirali su Općinsko vijeće pripremivši materijale za 110 tačaka dnevnog reda (85 u 2016) 42 tačke ranije planirano i 68 dodatnih, pripremivši 61 (40) odluku, 15 (7) rješenja, 3 zaključka i

38 (29) izvještaja i informacija. Odgovoreno je na 108 (64) vijećničkih pitanja, te dato mišljenje na 36 (10) vijećničke inicijative i 46 (20) amandmana¹.

c) Administrativne i upravne usluge lokalne uprave

Općina trenutno najveći broj administrativnih usluga pruža kroz servisne centre (tzv. šalter sale). Trenutno imamo organizirana 3 servisna centra (Tešanj, Jelah i Tešanjka). U 2018. godini urađeno je 103.316 ovjera dokumenata (više za cca 13000 u odnosu na 2017.), iz matičnih evidencija izdato 16.542 uvjerenje a što je manje za oko 8% nego ranije (jedan od razloga je trajnost izvoda iz matičnih knjiga), pored toga izvršeno 17.501 provjera za lične dokumente (CIPS) - smanjeno u odnosu na 2016. godine. Rad lokalne uprave podrazumijeva između ostalog i rješavanje upravnih postupaka a što se može vidjeti u slijedećoj tabeli:

Upisnik prvostepenih predmeta za organ uprave po službama-upravni postupak

Služba	Broj predmeta u 2016	Broj nerj. predmeta u 2016	Broj nerj. predmeta iz 2017	Broj predmeta u 2017	Broj riješenih predmeta u 2016	Broj riješenih predmeta u 2017
Sl. za društvene djelatnosti i investicije	1091	515	392	940	576	548
Sl. za finansije, privredu, komunalne i inspekcjske poslove	629	1	17	728	628	711
Sl. za katastar, urbanizam i imovinsko pravne poslove	3585	287	260	2404	3779	2175
Služba civilne zaštite	828	0	929	929	828	929
Sl. za boračko invalidsku zaštitu	2291	518	522	2403	1773	1881
UKUPNO:	8424	1321	2120	7404	7584	6244

d) Sistemi upravljanja kvalitetom i okolišom

U 2017.godini uspješno su na osnovu Godišnjeg plana održavanja internih audita realizovana dva interna audita na integrisanom sistemu upravljanja kvalitetom i okolišem i to:

1. prvi planirani interni audit realizovan je 20.07.2017. godine u skladu sa Nalogom za interni audit broj:1/2017 od 03.07.2017. godine
2. drugi planirani interni audit realizovan je 23. i 24. 11. 2017. godine u skladu sa Nalogom za interni audit broj:2/2017 od 08.11.2017. godine

Nadzorni (eksterni) audit po normi ISO 9001-2015 kao i recertifikacijski audit po normi ISO 14001-2015 održan je dana 09., 10. i 11. januara 2018. godine. Ono što su auditi pokazali može se reći da je sistem upravljanja kvalitetom usklađen sa zahtjevima traženih normi, kontinuirano se poboljšava, isti je učinkovit i ostvaruje se kroz Viziju, Politiku i Ciljeve kvaliteta. Zaključak auditora je da u općini Tešanj kroz procese koje vodi i kontinuirano prati na način kako to predviđa nova norma lagano zaživljava sistem upravljanja kvalitetom i sistem okolinskog menadžmenta na način kako to predviđaju norme ISO 9001-2015 i ISO 14001-2015.

e) Edukacija i razvoj ljudskih resursa

Općina Tešanj je prema Planu edukacije realizovala 14 internih edukacija, a pored ovih edukacija organizovano je pet cjelodnevnih obuka/radionica kako bi se ojačali kapacitete u radu matičnih ureda, finansijskog upravljanja i kontrole, plana integriteta, interperosnalne komunikacije, organizacije i slično. Pored internih obuka, uposlenici su učestvovali u obukama koje su vezane za realizaciju aktuelnih projekata kao što

¹ U zagradama su brojevi iz 2016.

su MEG, Jačanje uloge mjesnih zajednica, ReLOaD, Adresni registar i slično, a pored toga uposlenici su učestvovali i na 35 pojedinačnih edukacija izvan zgrade općine (javne nabavke, računovodstvo, IT, GIS i dr.).

f) Modeli, alati i projekti unapređenja

Harmonizacija podataka katastra i zemljišne knjige (gruntovnice) - Dana 31.07.2017. godine preuzimanjem podataka iz katastra zemljišta i zemljišne knjige otpočela je 3 faza harmonizacije podataka katastra i zemljišne knjige za katastarske općine Raduša i Kraševo.

Poslove harmonizacije izvodi firma Angemeier d.o.o. Sarajevo, a završetkom usklađenja podataka zemljišne knjige i katastra slijedi faza uspostave. Izvršen je pregled 3551 prijavnih listova :

- 1) K.O. Raduša 2558 prijavna lista - 5494 parcele
- 2) K.O. Kraševo 993 prijavna lista – 2026 parcele

Ukupan broj pregledanih, potpisanih i ovjerenih prijavnih listova za navedene katastarske općine je: 3551 prijavnih listova - 7520 parcela. Do sada je ukupno u projektu harmonizacije usklađeno oko 29.000 parcela oko 40% cijele općine.

Svrha Harmonizacije je uspostava jedinstvene evidencije podataka katastra zemljišta i zemljišne knjige tj. osiguravaju se pretpostavke za upis prava vlasništva u zemljišne knjige, čime nekretnine dobivaju dodatnu vrijednost, a također se omogućavaju uvjeti za poduzimanje različitih pravnih. Projekat će osim administrativnih olakšica u konačnici doprinijeti manjem broju sudskih postupaka, jednostavnijem dokazivanju vlasništva u privatnim ili poslovnim potrebama, a sve to besplatno za građane. Procijenjena ušteda/efekat za građane je višemilionski.

Adresni registar -

U 2017. godini nastavljeno je sa implementacijom Projekta uspostave Adresnog registra na teritoriji općine Tešanj. U završnoj fazi Projekta finalizirano je postavljanje preostalog broja pločica sa kućnim brojem, odnosno dopuna brojeva na novoizgrađenim objektima i unos podataka u aplikaciju Adresni registar. U okviru Projekta ukupno je postavljeno i rezervirano 16.807 komada pločica sa kućnim brojem, a ukupno isplaćena sredstva od strane CILAP i općine Tešanj Izvođaču radova iznose 67.917,15 KM, od ugovorenih 75.921,89 KM.

Ovim je u općini Tešanj u punom kapacitetu implementiran projekat Adresnog registra, a završetak uspostave je obilježen na svečanoj sjednici upriličenoj dana 20.11.2017. godine tim povodom, kojoj su prisustvovali predstavnici Federalne geodetske uprave, CILAP-a i institucija koje će u budućnosti koristiti ove podatke u okviru svojih potreba i ovlasti. Sada postoji elektronska baza za koju je planirano da se u narednoj fazi učini dostupnom javnosti, te da se izvrši njeno povezivanje sa drugim javnim registrima.

REALIZACIJA STRATEŠKIH DOKUMENATA

Na početku 2017. godine, iz postojećih strateških dokumenata izdvojeni su projekti za prioritetnu realizaciju u prethodnoj godini, ukupno **32 projekta**. Svaki od projekata/ciljeva je imao svog menadžera, koji je periodično izvještavao o realizaciji planiranog. Vijeće će više o realizaciji strateških dokumenata i stepenu postignuća na dostizanju ciljeva biti informisano kroz **Informaciju** o realizaciji Strategije općine Tešanj u 2017. godini. Osim toga u razvojnom smislu realizirana je Lista kapitalnih projekata za 2017. godinu. Općinski načelnik i uprava su dali punu podršku procesu izrade novog strateškog plana.

BUDŽET OPĆINE TEŠANJ

Realizacija općinskih politika, Strategije i odluka se odvija i kroz blagovremeno pripremljeni i usvojeni Budžet općine Tešanj, te kroz njegovu dosljednu i stabilnu realizaciju. Svi budžetski dokumenti (nacrt, prijedlog, kvartalni, polugodišnji i godišnji izvještaji) su **blagovremeno pripremljeni, podnešeni i usvojeni (3 odluke i 5 izvještaja)**. Budžet, DOB i svi izvještaji o izvršenju budžeta su objavljeni i nalaze se na web stranici Općine.

Kroz budžet su realizovane ili započete aktivnosti od oko 14 miliona KM, a njegovom realizacijom je obezbijeđeno funkcionisanje organa uprave, zadovoljenje opštredruštvenih potreba, zadovoljenje socijalnih potreba, sufinansiranje javnih ustanova, nevladinog sektora, poticaja privredi, studentskih stipendija, te

respektabilna kapitalna ulaganja. Grantovi po raznim osnovama, kojim se sredstva vraćaju u privredu i društvene tokove, su dostigla nivo od **4 miliona KM**.

Izvorni prihodi Općine su porasli za 4,2%, a da pri tome nije vršeno uvećanje poreskih stopa i stopa općinskih taksi i naknada. Putem blagajne (uključujući i pomoćne blagajne) izvršeno je **17.575 naplata uz naplaćenih 948.598,90 KM**.

Općina Tešanj je u 2017. godini provela **178 postupka javnih nabavki** u otvorenim, konkurentskim, direktnim i pregovaračkim postupcima u skladu sa Zakonom o javnim nabavkama BiH („Službeni glasnik BiH“, broj:39/14). Od toga su okončana 164 postupka sa ukupno ugovorenom vrijednosti od 3.595.920 KM. U svim postupcima je bila jedna žalba koja je uvažena i drugih aktivnih predmeta žalbi ili upravnih sporova po javnim nabavkama nema.


EKONOMIJA I POSLOVNO OKRUŽENJE

Općina Tešanj bilježi snažan ekonomski napredak. Ekonomski pokazatelji ostvareni u posljednjih nekoliko godina pokazuju stalni trend rasta. Naime, u posljednjih šest godina trend rasta registriranih privrednih subjekata na području Općine Tešanj evidentan je od 2010. godine kada je bilo registrirano ukupno 1975 privrednih subjekata i to: 701 pravno lice, 327 dijelova pravnih lica i 947 obrta, dok prema posljednjim zvaničnim podacima iz 2017. godine taj broj iznosi 2.318 privrednih subjekata i to: 916 pravnih lica, 504 dijelova pravnih lica i 898 obrta.

U strukturi pravnih lica dominira oblast trgovine na veliko i malo sa 28,3 % učešća u ukupnom broju pravnih lica, sa 17,6 % učestvuje prerađivačka industrija, 14,9 % čine ostale uslužne djelatnosti itd. U strukturi dijelova pravnih lica registriranih na području Općine dominira oblast trgovine koja čini 49,5 % ukupnog broja dijelova pravnih lica, ostale uslužne djelatnosti čine 8,6 % a finansijske usluge i osiguranje čine 8,2 %. U strukturi obrta dominira takođe oblast trgovine sa 29,6 % i prerađivačke industrije sa 16,1 %. Trend rasta zaposlenih na području Općine Tešanj prisutan je od 2010. godine.

Prema zvaničnim podacima Federalnog zavoda za statistiku, zaposlenost se kretala u rasponu od 8.111 koliko je iznosila 2010. godine do 11.274 uposlenih (prosječan broj na nivou godine), koliko je iznosila u 2016. godini. Ovaj pozitivan trend nastavljen je i u 2017. godini. Prema podacima Federalnog zavoda za statistiku u oktobru 2017. godine na području općine Tešanj je bilo zaposleno 12.205 osoba (11434 – oktobar 2016.).

U strukturi zaposlenih oko 1500 zaposlenih radi u javnom sektoru (cio javni sektor uključujući BiH – Carinska ispostava, FBIH – Poreska uprava, ZDK – obrazovanje, policija i općinski javni sektor – uprava, ustanova i preduzeća), što je u prosjeku manje od 13% zaposlenih na području općine. To je prosjek značajno niži od općina ili gradova u kojima je dominantan javni sektor. Ovo utiče i na prosjek plata. U sličnoj situaciji se nalaze npr. općine Gračanica, Gradačac, Visoko,.... . Uporedo sa rastom zaposlenosti, smanjivao se broj lica na evidenciji Zavoda za zapošljavanje. Broj nezaposlenih sa 7.788 evidentiranih u 2010. godini manji je za 24 %, i na kraju decembra 2017. godine iznosi 6.111 nezaposlena lica. U strukturi



nezaposlenih sa 39 % učestvuje kvalifikovana radna snaga, 34 % čini nekvalifikovana radna snaga, 18 % čini radna snaga srednje stručne spreme dok 4 % ili 246 lica čine nezaposleni visoke stručne spreme.

Trenutni ekonomski rast pred općinu Tešanj stavlja nove izazove: Kako obezbijediti vraćanje što više sredstava nazad u Tešanj, jer postojeća poreska politika ne prepoznaje dovoljno vlastitu aaktivnost neke sredine i kako odgovoriti (tj. kojim sredstvima) na intenzitet ekonomskog razvoja, kroz gradnju nove infrastrukture. Osim ovih, pojačani su u ekološki izazovi, jer razvoj privrede neminovno utiče i na stanje okoliša.

Općina Tešanj već duže vrijeme čini napore na poboljšanju uslova za kojim se stvaraju pretpostavke za lakše i bolje poslovanje privrednih subjekata na području naše Općine, pa je to činila i u toku protekle godine. Općenito poboljšanje ukupnog poslovnog okruženja u dobroj mjeri garantuje napredak lokalne ekonomije. Povoljni uslovi za poslovanje se ogledaju u obezbijeđenoj poslovnoj infrastrukturi i uslovima poslovanja kao i efikasnoj općinskoj administraciji koja je posvećena i na usluzi poslovnom sektoru.

a) U tom cilju, odnosno u cilju još boljeg razumijevanja potreba privrednih subjekata i unapređenja javno-privatnog dijaloga Općina redovno godišnje održava minimalno 4 sjednice Savjeta za lokalni ekonomski razvoj – SLER.

b) Općina Tešanj je na nivou najnižih taksi i naknada koje su prihod općine.

c) **Poslovna infrastruktura –**

- U poslovnoj zoni Bukva, lokacija Vila pružena podrška u proširenju putne mreže i širenju javne rasvjete
- Potpisan ugovor za gradnju novog objekta za raseljene osobe, čime će se u 2018. godini osloboditi lokacija na Vili za gradnju novih poslovnih objekata
- Završena gradnja rasvjete u poslovnoj zoni Bukva
- Izvršeno formiranje trase na novoj saobraćajnici Glinište, vrijednost cca 50.000 KM, čime je završeno potpuno nove saobraćajnice u dužini od oko 1200 m.
- Usvojen novi regulacioni plan za Glinište
- Ugovoreni radovi na asfaltiranju saobraćajnice Glinište, vrijednosti cca 250.000 KM. Radovi počeli u jesen, zbog građevinske sezone trenutno zaustavljeni.
- Obezbijeđena građevinska dozvola za gradnju primarne kanalizacije u poslovnoj zoni Glinište
- Isprojektovan priključak na R474 (kod Alpine) sa proširenjem saobraćajnice i usaglašeno finansiranje sa Direkcijom cesta ZDK, vrijednost cca 50.000 KM. Završetak radova planiran za proljeće.
- Rađeno na rješavanju vlasničkih odnosa za formiranje saobraćajnice između poslovnih zona Glinište i Ciglana.
- Finansiranjem općine i poslovnih subjekata obezbijeđena sredstva i ugovoreni radovi na asfaltiranju saobraćajnice u Ljetiniću, prema lokaciji „šljunkara“... vrijednost cca 150.000 KM

d) **Saradnja** sa Udruženjem privrednika i privrednicima, zanatlijama i potencijalnim investitorima ostvarivala se u duhu otvorene i neposredne saradnje. Održavani su tematski sastanci, a Općinski načelnik je tokom godine posjećivao poslovne subjekte u različitim prilikama (planiranje investicija, poslovni rezultati i dr.). Općina je bila snažna (finansijski i na druge načine) podrška realizaciji sajma privrede, koji je dodatno obogaćen učešćem zemlje partnera SR Njemačke.

e) **BFC SEE – BUSSINES FRIENDLY CERTIFIKATE**

Dodjelom certifikata za povoljno poslovno okruženje, Tešanj je dobio regionalni rang konkurentnosti i kvaliteta usluga i kvalificirao se za podršku donatora i aktivniju promociju na regionalnom i međunarodnom nivou. Ocjena od 94,6% za prostor koji je prijateljski posvećen stranim i domaćim investitorima, podvrgnut je nadzornoj provjeri kojom prilikom su ažurirane baze podataka, evidencije, web stranice, postupci i procesi.

Godinu dana kasnije Općina Tešanj je predstavljena kao primjer najbolje prakse u jugoistočnoj Evropi u strateškom pristupu lokalnom ekonomskom razvoju: strateškom planiranju i realizaciji strategije, dijalogu javnog i privatnog sektora, razvoju elektronske uprave, upravljanju budžetom, brzinom i kvalitetom administrativnih usluga. Početkom 2018. godine potrebno je opredjeljiva o ulasku u proces recertifikacije.

EKOLOGIJA I OKOLIŠ

Gradnja novog sistema kanalizacije

Kao i prethodne godine, tokom 2017. godine u segmentu zbrinjavanja otpadnih voda odvijale su se brojne i vrlo dinamične aktivnosti s posebnim akcentom na završetak građevinskih radova na najznačajnijem i najzahtjevnijem kolektoru BI.

1. Koncem šestog mjeseca završeni su ugovoreni radovi na kolektoru BI, u 2 Lot-a sa dionicama od Mračaja do Žabljaka i od Kraševa do Tešanjke u dužini od cca 7 km. Ukupna vrijednost izvedenih radova je **2,6 miliona KM** bez PDV-a. U većem dijelu trase položene su cijevi promjera 900 mm.
2. Početkom juna od strane nadležne službe općine Usora izdata je urbanistička saglasnost za radove na kolektorima BI i BV, na teritoriji općine Usora (dionica Žabljaka i dijela Tešanjke). Za potrebe dobivanja odobrenja za građenje na kolektoru BI, na lokalitetu Tešanjke je zbog rješavanja imovinsko-pravnih odnosa i naknadne izgradnje poslovnih objekata izvršeno preprojektovanje trase. Obezbijeđene su sve tražene dozvole i suglasnosti, te je predat zahtjev za izdavanje odobranja za građenje.
3. Radovi na projektovanju sekundarne, tercijarne i mreže kućnih priključaka su nastavljeni i tokom godine, nešto slabijim intezitetom od očekivanog. Planirano je da se ovaj vrlo obimni projekat završi početkom aprila 2018. godine.
4. Objavljen je tender za izradu idejnog projekta za Postrojenje za preradu otpadnih voda. Posao na izradi ovog dokumenta je dobilo JP Spreča dd Tuzla a ugovoreni iznos je 20.900 KM bez PDV-a. Polovinom februara 2018.godine planirano je **preuzimanje revidovanog Idejnog projekta**.
5. U sklopu priprema za izvođenje radova na kolektoru BV (dio teritorije općine Tešanj) i na kolektoru All (Jelah Polje) poduzete su brojne aktivnosti od preprojektovanja trase zbog rješavanja imovinsko pravnih odnosa do traženja brojnih saglasnosti i dozvola od operatera (BH Telecom, JP Elektroprivreda, Kablovska TV, JP Rad itd.) do upravitelja saobraćajnica.
6. Fond za zaštitu okoliša FBiH je objavio 2 javna konkursa za dodjelu nepovratnih sredstava iz oblasti zaštite okoliša i voda. Po propisanim uslovima "Fond" u sufinansiranju projekta učestvuje do 40% ali ne više od 400.000 KM. Odlukom Upravnog odbora općini Tešanj je **odobreno ukupno 690.000KM**.
7. Pokrenute su aktivnosti i zaključeno nekoliko ugovora na otkupu zemljišta na predviđenoj lokaciji za "Postrojenje" u Kraševu.

Svaka od nabrojanih aktivnosti predstavlja ujedno zasebnu cjelinu ali i neizostavni dio ovog vrlo složenog i zahtjevnog projekta od projektovanja, obezbjeđenja dozvola, radova, nadzora, praćenja i koordinacije sa Jedinicom PMU pri FMPVŠ i Evropske investicione banke. Aktivnosti na projektu se nastavljaju i tokom 2018.godine i planirano je da se ugovore radovi vrijednosti cca 4 miliona KM.

Vodosnabdijevanje – Razvoj novih vodovodnih sistema je redovna aktivnost općine Tešanj. U 2017. godini realizovano je slijedeće:

- Ugovoreni i realizovani preostali radovi na vodovodnom sistemu Medakovo-Trepče. Do kraja 2017. godine vodovod pušten u probni rad sa 400 priključaka uglavnom individualnih domaćinstava
- Realizovana gradnja novog bunara PEB 1 u Jelah Polju. Stepenn gotovosti 95% (preostalo postavljanje pumpe i puštanje električne energije)
- Realizovana gradnja voda od novog bunara do hlornne stanice (općina i KP Rad), dužina preko 1000 m, vrijednost cca 80.000 KM
- Ugovoreni svi preostali radovi na vodovodu Tepe-Hrvatinovići, vrijednost cca 200.000 KM
- Ugovoreni radovi na novoj fazi vodovoda Raduša, spoj novoizgrađenog rezervoara sa rezervoarom na Marin Hanu i izgradnja pumpne stanice Vrijednost cca 160.000 KM
- Usvojene Odluke o zaštitnim zonama za izvorište Mekiški potok i Trebačka rijeka,
- Vršene pripreme za radove u 2018. godini na vodovodu Raduša
- Vođene pravne aktivnosti na statusu ranije izgrađenih bunara u Jelah Polju

Upravljanje otpadom –

Nastavljeno je prikupljanje i zbrinjavanje PET ambalaže, uz učešće UG "EKO MLADI", JP "RAD" i osnovnih i srednjih škola na teritoriji općine Tešanj. Urađena je organizovana akcija prikupljanja elektroničkog otpada.

Nastavljena je aktivnost na izradi projektne dokumentacije za zatvaranje i sanaciju deponije. Uz sufinansiranje Federalnog ministarstva okoliša i turizma, općine Tešanj i JP "RAD" nabavljeno je 2000 kanti za smeće i 200 kompostera za odvajanje biorazgradivog otpada. Ukupna vrijednost projekta je oko 120.000,00 KM (Federalnog ministarstva okoliša i turizma 70.000,00 KM, Općina Tešanj 32.000,00 KM i JP "RAD" 18.000,00 KM). U toku je podjela kanti i kompostera novim korisnicima usluga JP "RAD", čime se proširio obuhvat odvoza smeća za preko 700 novih korisnika-domaćinstava. Akcija je i dalje u toku. Plan je da se dostigne 8500 korisnika usluga JP "RAD" Tešanj u ovoj fazi proširenja obuhvata odvoza smeća.

Civilna zaštita (prevencija i sanacija)

Nakon prirodne nesreće koja je 2014. godine pogodila područje općine Tešanj, i u 2017. godini se nastavilo sa sistemskim pristupom sanacije nastalih posljedica, kako na društvenoj infrastrukturi, tako i na privatnim objektima. Općina Tešanj je kod UNDP BiH kandidovala projekat izgradnje preostalog stambenog objekta (Ramić Izudin) u MZ Mrkotić koji je oštećen usljed klizišta. Aplikacija je prihvaćena, raspisan je javni poziv od strane UNDP BiH. Obzirom da se radi o izgradnji jednog stambenog objekta na području općine Tešanj, te da isti ispunjava uslove javnog poziva, za očekivati je da se u 2018. godini izvrši gradnja i posljednjeg uništenog stambenog objekta tokom poplave i klizišta 2014. godine.

U 2017. godini kontinuirano je vršeno praćenje stanja na 286 klizišta. Urađeni su prioriteti sanacije za 2017. godinu. Sredstva za sanaciju klizišta osigurana su u Budžetu. Izvršena je sanacija 8 klizišta u ukupnom iznosu od 67.120,47 KM.

Provođenje preventivnih mjera zaštite od poplava tokom 2017. godine realizovano je u skladu sa Planom mjera zaštite od poplava. Aktivnosti su vođene u MZ Miljanovci-Lončari, MZ Bobare-Drinčići-Blaževci, MZ Kalošević, MZ Vukovo, MZ Jelah, MZ Novo Selo i MZ Medakovo. Provođenje mjera se odnosilo na čišćenje, produbljavanje i uređenje vodotoka, te izgradnju obaloutvrda na mjestima koja predstavljaju prijetnju dalje erozije obala i zemljišta. Ukupno je očišćeno 4.030 metara vodotoka i uređeno 25 metara obaloutvrda. Za realizaciju navedenih aktivnosti utrošeno je 20.709 KM.

Iskoordiniran je projekat sanacije i uređenja obale rijeke Usore sa Agencijom za vodno područje rijeke Save, u naseljenom mjestu Jelah. Izgrađene je obaloutvrda vrijednosti cca 140.000 KM. U saradnji sa Kantonalnom upravom civilne zaštite sklopljen je Sporazum o izgradnji skladišta civilne zaštite na području općine Tešanj, odnosno na lokaciji kod Vatrogasnog doma u Tešnju. Izgradnja ovog skladišta ima za cilj proširenje kapaciteta skladišnog prostora i dislociranje dijela opreme Kantonalne uprave civilne zaštite na područje općine. U toku je izrada tehničke dokumentacije objekta, a predračunska vrijednost objekta iznosi cca 150.000 KM.

U nevremenu koje je zahvatilo područje općine Tešanj u decembru 2017. godine izvršene su sve hitne intervencije na javnoj infrastrukturi, te pružena podrška za javne i stambene objekte. Nije proglašeno stanje prirodne nesreće, jer nije bilo zakonskih uslova, ali je pružena nužna pomoć stanovništvu i institucijama. Snimljene su štete u poljoprivredi i usaglašen sa kantonalnom upravom Civilne zaštite način podrške za plasteničku proizvodnju.

Okoliš - Tokom 2017. godine kontinuirano je nastavljeno mjerenje zagađenosti zraka na području općine Tešanj. Mjerenje je izvršeno dva puta na području MZ Jelah (raskrsnica) u periodu od 20.01. do 06.02.2017. godine i (ured Općine) u periodu od 12.07. do 15.08.2017. godine. U prvom mjerenju utvrđena su prekoračenja granične vrijednosti satnog i dnevnog prosjeka SO₂ i granična vrijednost dnevnog prosjeka lebdećih polutanata PM₁₀, dok u drugom mjerenju nema prekoračenja graničnih vrijednosti polutanata. Ova aktivnost se provodi od 2011. godine i provodi je Metalurški institut "Kemal Kapetanović" Zenica u saradnji sa Općinom Tešanj.

U skladu sa usaglašenim aktivnostima sa komunalnim preduzećem JP „RAD“, tokom 2017. godine kvartalno je vršeno utvrđivanje kvalitativno-kvantitativnih karakteristika otpadnih voda na gradskim kolektorima u slivu rijeke Tešanjke. Ispitivanja su vršena 22.02.2017., 15.05.2017., 22.08.2017. i 28.11.2017. godine na kolektorima Kotlanice, kružni tok Tešanj i Krndija, industrijske otpadne vode Bukva, primarni vod otpadnih voda Novo Selo i otpadne vode deponija Bukva. Tokom ispitivanja utvrđena su prekoračenja Amonijačnog azota, ukupnog azota, HPK-Cr (hemijska potrošnja kisika), BPK₅ (biohemijska potrošnja kisika), ukupne suspendovane materije, deterdženti, sulfati i tekst toksičnosti.

MLADI

Mladi su imali različite oblike podrške i u 2017. godini:

Stipendije svima je aktivnost koja je nastavljena i u 2017. godini. Na Konkurs za dodjelu općinske stipendije u 2016/2017. godini bilo je ukupno 417 prijava, a nakon provedenog postupka imenovane komisije, broj zaključenih ugovora općine o stipendiranju studenata u 2017. godini je 372. Općina je pravovremeno isplatila sve stipendije, te objavila javni poziv za akademsku 2017/2018 godinu. Proces je u toku, a prijavljeno je 380 kandidata.

Podržavali smo predškolski odgoj novčanim podsticajima, a osnovne i srednje škole kroz podršku u materijalnom obezbjeđenju osnovnih potreba. Svim „prvačićima“ (514) na početku školske godine obezbijeđen je poklon paket u školskom priboru.

Općina je finansirala sva školska takmičenja u znanju (matematika, fizika, engleski jezik, vjeronauka) i sportu (nogomet, košarka, rukomet, odbojka). Krajem nastavne godine organiziran je prijem za 81 najboljeg učenika. Od projekata koji se odnose na mlade realizovano je sedam projekata neformalnih grupa kroz Omladinsku banku Tešanj. Ukupna vrijednost projekata je 31.000 KM, od čega je Općina Tešanj učestvovala sa 15.200 KM. Projekti su realizovani u mjesnim zajednicama Mrkotić, Dobropolje-Mekiš, Trepče, Jelah, Tešanj i Piljužići. Tešanj je uključen u Sportske igre mladih.

Podrška poduzetnim mladim ljudima je nastavljena sedmu godinu za redom, te je kroz javni poziv podržano 12 mladih da pokrenu vlastiti biznis, i to kroz registraciju poslovnih aktivnosti, doprinose u prvoj godini poslovanja, zakup prostora u prve tri godine poslovanja, a iznos podrške Općine Tešanj je 60.000 KM uz učešće Zeničko-dobojskog kantona u iznosu od 18.000 KM. Općina Tešanj je ovim pristupom kroz sedam godina (2011-2017) direktno podržala registraciju 50 poslovnih subjekata i zapošljavanje 58 mladih ljudi, te indirektno zapošljavanje još 29, što je ukupno 87 novih radnih mjesta. Od 50 poslovnih subjekata 43 i dalje uspješno rade i posluju.

KULTURA I NASLIJEĐE

Područje kulture će biti tretirano kroz izvještaje triju javnih ustanova koje djeluju u području kulture i informaciju o radu udruženja građana i Općinsko vijeće će imati priliku da na taj način raspravlja na ovu temu. Nastavljeno je kontinuirano djelovanje, uz neke rezultate koji 2017-tu godinu čine izuzetno uspješnom u ovoj oblasti. Treba naglasiti da su u prethodnoj godini organizirane 3 općinske kulturne manifestacije kojima su obilježeni značajni datumi za općinu Tešanj (utvrđeni Statutom općine), te da je općina podupirala i druge javne i kulturne sadržaje koje su organizirala udruženja građana ili mjesne zajednice. U općinskim manifestacijama organizirano je **6** koncerata, **10** izložbi, **7** pozorišnih predstave, **17** promocija, **3** tribine, okruglih stolova, naučnih skupova, **10** turnira...

Odlukom o obilježavanju značajnih datuma za općinu Tešanj definisane su aktivnosti koje su provođene i u 2017. godini putem mjesnih zajednica, udruženja i ustanova. Treba reći da su prigodno obilježeni državni praznici, općinski značajni datumi (4. april, 9. septembar i 10. decembar), te drugi značajni datumi (godišnjice formiranja jedinica, brigada i drugih manjih jedinica i sl.), te su u okviru toga vršeno uređenje i nekih od lokacija (Crni Vrh, Hrastik, Vis, Bučje...) a sve u skladu sa Programom obilježavanja tekovina odbrane 1992-1995.godine. Sadržaji koji su bili otvorenog karaktera imali su značajnu posjetu.

POLJOPRIVREDA

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo odnosno proizvodnja mlijeka kojom se bavi najveći broj gazdinstava. Otkup mlijeka od proizvođača sa područja naše općine vrši pet otkupljivača/prerađivača mlijeka. Uz proizvodnju mlijeka prisutni su i razvijaju se i drugi vidovi poljoprivredne proizvodnje kao što je proizvodnja mesa brojlera, proizvodnja voća, proizvodnja u plastenicima i dr. Treba istaći da općina Tešanj od 2006. godine izdvaja budžetska sredstva za razvoj poljoprivrede i daje značajnu podršku poljoprivrednoj proizvodnji, i do sada je utrošeno oko **3.300,000** KM na novčane poticaje poljoprivredi. U 2017.godini zaprimljeno je 656 zahtjeva za poticaj poljoprivrednoj proizvodnji, od toga 415 zahtjeva za animalnu i 241 zahtjev za biljnu proizvodnju. Pozitivno je riješen 641 zahtjev dok ih 15 nije ispunilo potrebne kriterije. U oblasti animalne proizvodnje za 366 gazdinstva odobren je poticaj proizvodnji mlijeka i za 41 gazdinstvo poticaj pčelarstvu. U oblasti biljne proizvodnje za 64 gazdinstava odobren je poticaj proizvodnji povrća za otkup, za 79 proizvodnji u plastenicima, 69 proizvodnji voća za otkup i za 22 gazdinstva poticaj proizvodnji povrća i ljekobilja na otvorenom. Ukupno za 2017. godinu za 602 korisnika isplaćeno je **331.210,00** KM o čemu će Općinsko vijeće biti upoznato kroz Informaciju o stanju u poljoprivredi i realizaciji općinskih poticaja u 2017. godini. Osim novčanih poticaja primarnoj poljoprivrednoj proizvodnji a shodno Programu, cca 5% sredstava se utroši na aktivnosti koje su od značaja za razvoj poljoprivrede kao što su izbor najpoljoprivrednog gazdinstva, edukacije, radio i tv emisije o poljoprivredi, učešće na sajmovima i dr. Sva fizička i pravna lica koja

žele aplicirati na poticaj moraju se upisati u Registar poljoprivrednih gazdinstava i Registar klijenata, odnosno već upisani ažurirati podatke u Registru koji vodi općinska služba nadležna za poslove poljoprivrede, tako da je do sada u Registar upisano 1836 gazdinstava, a 868 ih je u 2017 ažuriralo podatke.

KOMUNALNA INFRASTRUKTURA I SAOBRAĆAJ

Saobraćajna infrastruktura

Na području općine ukupno je **536 kilometara cesta različitih kategorija**. U općinskoj nadležnosti bilo je ljetno i zimsko održavanje na lokalnim i nekategorisanim cestama kao i gradskim i prigradskim ulicama. U okviru redovnog ljetnog održavanja saobraćajnica obuhvaćeno je ukupno oko **250 kilometara asfaltnih i 210 km makadamskih cesta**. Obuhvat na Zimskom održavanju je ove godine blago povećan, a obuhvaćeno je oko **300 kilometara cesta i 40 kilometara trotoara**.

U 2017. godini najviše se radilo na sanaciji asfaltnog i makadamskog kolovoza zatim čišćenju i ucjvljenju putnih kanala, košenju i krčenju šiblja u putnom pojasu te postavljanju horizontalne i vertikalne signalizacije i dr. O gradnji i uređenju saobraćajne infrastrukture bit će riječi u izvještaju o realizaciji Liste kapitalnih ulaganja za 2017. godinu, te posebnu informaciju o održavanju putne infrastrukture.

Javna rasvjeta

Odlukom o javnoj rasvjeti mjesne zajednice finansiraju izgradnju i brinu o funkcionisanju javne rasvjete, a troškove potrošnje električne energije u cijelosti padaju na teret budžeta. Izgradnja i održavanje javne rasvjete u područjima obuhvaćenim regulacionim planom (obveznici plaćanja rente) u nadležnosti je općine. Do proširenja javne rasvjete u 2017. godini je došlo u slijedećim mjesnim zajednicama: MZ Tešanj, MZ Jelah, MZ Tešanjka, MZ Trepče, MZ Raduša, MZ Dobropolje-Mekiš, MZ Novo Selo, MZ Džemilić Planje, MZ Bobare-Drinčići-Blaževci, MZ Mrkotić, MZ Bukva (nova LED rasvjeta). Nova mjerna mjesta su instalisana u: MZ Novo Selo (jedno mjerno mjesto), MZ Raduša (dva mjerna mjesta), MZ Džemilić Planje (dva mjerna mjesta), MZ Bobare-Drinčići-Blaževci (jedno mjerno mjesto), MZ Trepče (četiri mjerna mjesta), MZ Dobropolje-Mekiš (jedno mjerno mjesto).

Na području Općine imamo **81 mjerno mjesto ulične rasvjete** (više za 13 u odnosu na 2016) u 23 mjesne zajednice sa utroškom električne energije u 2017. godini od cca 200 000 KM. U pripremi su još tri mjerna mjesta za koja je data saglasnost. Troškove priključka mjernih mjesta plaća Općina iz sredstava budžeta. Ukupan broj evidentiranih svjetiljki je 4360 kom. i veći je za novih 660 svjetiljki u odnosu na 2016. godinu ili za oko 15,2 %. U toku je skeniranje i obilježavanje svih novih stubova javne rasvjete. Po završetku procesa skeniranja sve pozicije će biti unesene u Geoinformacioni sistem.

U posljednje vrijeme sve MZ koje rade izgradnju ili proširenje javne rasvjete u glavnom ugrađuju LED rasvjetna tijela ili rasvjetna tijela sa štednim sijalicama. I pored relativne velikog proširenja javne rasvjete potrošnja električne energije je povećana za oko 11%. U 2017. godini urađen je idejni projekat LED rasvjete za relacije sa najvećom potrošnjom električne energije (ukupno za pet mjernih mjesta). To su relacije HIFA Krndija do MUP Tešanj i Mramorprom Jelah do FAD Jelah. Izmjenom postojećih rasvjetnih tijela LED rasvjetnim tijelima, kao i rekonstrukcijom mreže, došlo bi do značajnije uštede električne energije na ovim mjernim mjestima.

Komunalna higijena i uređenje javnih površina

Program komunalne higijene najvećim dijelom se realizuje kroz godišnji Ugovor sa JP "RAD" d.d. Tešanj. Programom komunalne higijene predviđeno je redovno održavanje ulica, javnih i zelenih površina na području Tešnja, Jelaha i Tešanjke. Vršiti se i dekoracija urbanih naselja u vrijeme značajnijih državnih, općinskih i vjerskih praznika. Vršiti se znavljanje i dopuna korpi za otpatke, čišćenje snijega s trotoara i trgova i sl. Za površine koje nisu obuhvaćene Ugovorom, uređenje i održavanje se radi uz angažovanje lica sa Zavoda za zapošljavanje. Općina je dva puta tokom godine putem Zavoda za zapošljavanje obezbijedila angažman nezaposlenih osoba na javnim radovima na komunalnom uređenju. Provedeno je više akcija čišćenja putnih pojava i obale rijeke Tešanjke od niskog rastinja i otpada. Također je urađeno uređenje prostora oko javnih česmi i važnijih raskrsnica.

Kroz program proljetnog i jesenskog uređenja urađeno je zasađivanje cvijeća na svim Programom predviđenim površinama i u svim žardinjerama. Urađena je popravka klupa. Zasad cvijeća rađen je, dijelom,

angažovanjem radnika sa Zavoda za zapošljavanje, a dijelom kroz angažovanje učenika prema Sporazumu sa Srednjom poljoprivrednom školom.

Prikupljanje i odvoz smeća je poboljšano i obuhvat je proširen sa preko **700** novih korisnika, a kroz program podjele besplatnih kanti za nove korisnike usluga JP "RAD" d.d. Tešanj. Također je izvršena podjela oko **70** kompostera za odvajanje biološki razgradivog otpada, a u cilju smanjenja količine otpada koji se odvozi na deponiju. Akcija podjele besplatnih kanti i kompostera je u toku.

U 2017. godini ukupno je očišćeno preko **120 m³** otpada sa divljih deponija, u dvije akcije čišćenja i sa 26 lokacija. U proljetnom čišćenju su očišćene površine u Bobarama, Jelahu, Piljužićima, Miljanovcima, Kaloševiću, Ljetiniću, Rošama i Raduši. U jesenskom čišćenju je izvršeno čišćenje na lokalitetima: Potočana, Ljetinića, Vile u Bukvi i Rosuljama. Primjetan je pad broja divljih deponija. Najveći problem je evidentiran oko riječnog korita rijeke Usore, na lokalitetima Kaloševića, Bobara, Potočana i Ljetinića. Ovo su pozicije gdje se obnavljaju deponije.

Na području općine u 2017. godini završeno je postavljanje novih **šest** autobuskih stajališta (MZ Miljanovci-Lončari, MZ Novi Miljanovci, MZ Trepče, MZ Raduša, MZ Lepenica i MZ Trepče). Do sada je ukupno postavljeno **63 stajališta** uz magistralne, regionalne i lokalne ceste.

JAVNA PREDUZEĆA I USTANOVE

Općina je osnivač 8 javnih ustanova i 3 javna preduzeća. Općinski načelnik imao je putem nadležnih službi ili direktno saradnju sa Nadzornim i Upravnim odborima. Svaka javna ustanova i preduzeće imalo je usaglašene godišnje ciljeve rada. Javne ustanove i preduzeća su dostavljale kopije zapisnika sa **74** sjednice upravnih (javne ustanove) i **30** sjednica nadzornih odbora (JP Rad-12, JP Toplana-10 i JP TRA-8). O radu javnih ustanova i preduzeća Vijeće će se detaljno informisati putem Informacije o radu javnih ustanova i Izvještaja preduzeća. U toku 2017 godine provedena je procedura izbora Nadzornog odbora u dva javna preduzeća "Rad" i "Toplana" dd Tešanj, te izbor i imenovanje direktora u oba javna preduzeća. Proveden je postupak imenovanja dva upravna odbora u javnim ustanovama (Biblioteka i Centar za kulturu i obrazovanje), te izbora 3 direktora (Centar za socijalni rad, Apoteka Tefarm i Opća bolnica).

MJESNE ZAJEDNICE

Informacija o radu mjesnih zajednica za 2017. godinu (nakon završnih računa) će sadržavati detaljniji pregled rada mjesnih zajednica. MZ su radile u okviru svojih ovlaštenja te održale **213 sjednica savjeta** MZ (od toga 11 konstituirajućih) ili u prosjeku 8,52 sjednica Savjeta po MZ i **52 sjednicu skupštine** (od toga 14 konstituirajućih) ili u prosjeku 2,08 sjednice po MZ-ci, sa ukupno donesenih 1833² **odluka i zaključaka** (1131 odluka i 702 zaključaka) koji su redovno dostavljani općini na uvid. Ukupno **515** članova organa MZ-aktivista bili su inicijatori i podrška brojnih aktivnosti. Ako dodamo aktiviste koji su uključeni u aktivnosti kroz građevinske odbore za realizaciju projekata, organizacione odbore i radne timove za pripreme i organizaciju manifestacija u MZ, te organizovane sastanke sa građanima radi definisanja prioriteta (UNDP projekat) i stvarnih problema građana određenih zaseoka dolazimo do brojke od preko 1500 aktivista u 25 MZ.

Tokom 2017. godine izvršen izbor sekretara u **tri mjesne zajednice** (Bobare, Drinčići, Blaževci, Džemilić Planje i Karadaglije). Tom prilikom ovim mjesnim zajednicama pružena je pomoć u provođenju propisanih poslovnih procedura.

Tokom izvještajnog perioda došlo je do zamjene Predsjednika skupštine u **tri MZ** (Bobare, Drinčići, Blaževci, Džemilić Planje i Novi Miljanovci gdje su raniji predsjednici podnijeli ostavke), gdje je takođe pružena maksimalna podrška i pomoć prilikom provođenja propisanih procedura.

Pokrenuta je i procedura zamjene predsjednika savjeta u dvije MZ, isti su iz privatnih razloga podnijeli ostavke Općinskom načelniku, sa njima su održani sastanci radi sagledavanja stanja u rad MZ i razloga podnošenja ostavki, te im sugerisano da iste odgode do podnošenja godišnjeg izvještaja o radu, na šta su pristali. I za ova dva slučaja dodatno su pojašnjene procedure koje se trebaju ispoštovati da bi došlo do zamjene predsjednika

² Podaci o broju Odluka i zaključaka korišteni iz dostavljenih zapisnika o održanim sjednicama, neki nisu precizno definisani pa je moglo doći do manjih grešaka u određivanju tačnog broja

savjeta. Nije bilo izricanja mjera obustava uplata sredstava za MZ.

Općinski načelnik sa saradnicima tokom godine je organizovao **27** sastanaka sa predstavnicima **20** mjesnih zajednica, uglavnom na zahtjev predstavnika MZ. Općinski načelnik je organizovao i **2** tematska sastanka sa svim predsjednicima savjeta i sekretarima MZ, prvi se odnosio na realizaciju kapitalnih projekata u MZ gdje su se predsjednici izjašnjavali o spremnosti projekta, u kojem periodu žele da se realizuje, a drugi sastanak je bio u cilju analize realizovanih projekata, problemi na koje smo nailazili, njihovo rješavanje i prezentacija novog načina kandidiranja projekata MZ za izradu liste kapitalnih projekata (trogodišnje). Ovo se pokazalo kao dobra praksa. Viši referent za rad sa MZ je na poziv mjesnih zajednica, prisustvovao na **19** sastanaka organa MZ u 19 mjesnih zajednica. U sklopu projekta „Jačanja uloga MZ u BiH“ Viši referent za rad sa mjesnim zajednicama je prisustvovao na **12** sastanaka sa organima MZ i građanima u cilju kandidovanja projekata kao i **4** sastanka monitoringa. Edukacija: Realizovano je 16 tema edukacije sekretara i predsjednika Savjeta MZ. Prisustvo sekretara 68 % ili 17 prisutnih sekretara po terminu (pad prisustva je evidentan zbog otpuštanja sekretara u dvije MZ), prisustvo predsjednika savjeta 24,76 % ili 6,19 po terminu edukacije.

NVO

Općina je putem javnog poziva finansirala 78 projekata (veći broj u odnosu na 2016 za 10) za ukupno 57 udruženja građana (kultura 9, sport 30, ostali 18) u 2017. godini. Osim toga općina Tešanj je za udruženja od posebnog interesa (definisana Odlukom Općinskog vijeća) obezbijedila podršku u njihovom radu. O tome će Općinsko vijeće posebno biti informisano kroz Informaciju o radu udruženja građana, na jednoj od narednih sjednica. Realizovani su neki značajniji sadržaji poput: podrška u organizaciji Sportskih igara mladih, izbora sportiste godine, brojnih pojedinačnih sportskih turnira, izložbe sitnih životinja, te brojni projekti u kulturi, ekologiji do sportskih (redovna ligaška takmičenja, kupovi, turniri...), kulturnog ili drugog (različiti javni događaji).

BORAČKE POPULACIJE

Općine nema izvornih nadležnosti kada je u pitanju ostvarivanje prava boračkih populacija već samo prenesene nadležnosti/obaveze te se po osnovu ovlaštenja i obaveza propisanih odredbama člana 38. Zakona o pravima branilaca i članova njihovih porodica (Sl. Novine Federacije BiH broj:33/04, 56/05, 70/07 i 9/10) po službenoj dužnosti ili po zahtjevu stranke radi na donošenju prvostepenih rješenja u predmetima priznanja prava na porodičnu i ličnu invalidninu i ortopedsko pomagalo (RVI i porodice šehida i poginulih boraca). Služba vrši redovni mjesečni obračun invalidnina za cca. 1191 korisnika porodične i lične invalidnine i isti dostavlja Kantonalnom ministarstvu za boračka pitanja koji u skladu sa važećim sistemom podatke od svih općina Ze-Do kantona dostavlja na združivanje sa ostalim dijelom korisnika boračko-invalidske zaštite Federalnom ministarstvu za pitanja boraca i invalida odbrambeno-oslobodilačkog rata koji vrši isplatu istih korisnicima putem banaka. **Na ovaj način je za korisnike porodične i lične invalidnine općine Tešanj za 2017. godinu realizovano ukupno 3.796.160,80 KM.** U 2017. godini je izdato i 1231 uvjerenja iz službenih evidencija.

Kada su u pitanju dopunska prava korisnika po kantonalnim propisima situacija se značajno popravila te nema značajnih neizmirenih obaveza prema korisnicima a što u ranijem periodu nije bio slučaj. Ove godine je pokrenut projekat zapošljavanja i samozapošljavanja boračkih populacija što je realizovano putem javnog poziva. Sve navedeno je vidljivo u slijedećoj tabeli:

Broj podnesenih zahtjeva za dopunska prava za 2016.godinu putem službe općine Tešanj								
Naziv postupka	Broj zahtjeva	Uvaženo zahtjeva	Odbijeno zahtjeva	Nerješeno zahtjeva	Odobrena sredstva u 2017.	Dugovanja iz 2016. i ranije	Isplaćeno u 2017. godini	Neisplaćeno/dug iz 2017.
JNP putem org.uprave (općinska sredstva)	386	376	10	-	50.552	-	50.552	-
Dodjela prehrambenog paketa (općinska sredstva)	179	179	0	0	16.099	-	16.099	-
Vanredna novčana	360	344	16	-	94.750	-	86.000	8.750
Zahtjev za pomoć u liječenju	319	277	29	13	95.550	-	92.100	3.450
Nabavka ortopedskog pomagala	5	4	1	0	4.392	-	4.392	-
Pomoć u nabavci udžbenika	356	344	12	0	43.900	-	43.900	-
Pomoć u stambenom zbrinjavanju (Kanton)	83	24	56	3	135.134	-	-	135.134
Zahtjev za odobrenje stipendija	148	137	11	0	-	-	125.400	-
Banjsko liječenje	126	38	77	11	-	-	-	-
Pomoć u snošenju troškova dženaze	83	74	5	4	67.485	-	67.485	-
Zahtjev za ličnu invalidninu	5	0	5	0	-	-	-	-
Samozapošljavanje i upošljavanje pripadnika boračkih populacija	64	54	10	0	324.200	-	270.200	54.000
Zahtjev za porodičnu invalidninu	32	25	0	7	-	-	-	-
Zdravstveno osiguranje	42	30	4	8	-	-	-	-
Ukupno	2.188	1.906	236	46	1.027.555	-	756.128	192.584

Općina je tokom 2017. godine imala saradnju sa boračkim udruženjima. Saradnja se odvijala u različitim područjima, od konkretne podrške boračkim populacijama do organizovanja različitih manifestacija i sadržaja u smislu obilježavanja značajnih datuma. Saradnja se može ocijeniti uspješnom.

PENZIONERI, SOCIJALNA ZAŠTITA

Koliko god općina nastojala da pomogne, rješenje problema sa kojima se susreće **5131 penzionera** (podatak o isplaćenim penzijama za decembar 2017) sa područja općine, ne može ponuditi općina. Penzioneri sa prostora općine Tešanj čine **1,46%** populacije penzionera FBiH. Prisutno je 2764 (2662 - 2016) korisnika starosnih penzija, 838 invalidskih i 1529 porodičnih penzija na prostoru općine Tešanj. Struktura prava po kojima su ostvarene penzije uglavnom je na nivou prosjeka FBiH (unutar 1,5%). Općina Tešanj u trenutnim

okolnostima ima među najpovoljnijim odnosima u BiH broj zaposlenih u odnosu na broj penzionera (**2,4 zaposlenih na 1 penzionera**, ZDK cca 1,2, FBiH 1,1).

Općina je imala intenzivnu saradnju sa Udruženjem penzionera. Putem udruženja penzionerima je pomagano kod troškova ukopa i nekih drugih troškova (o tome se Vijeće informiše posebnim Informacijama). Sva planirana i ugovorena sredstva po ovom pitanju su transferirana. O raseljenim i problemima povratka, kao i socijalnoj zaštiti Općinsko vijeće se informiše kroz posebne dokumente/informacije.

DOMAĆE I MEĐUNARODNE INSTITUCIJE-SARADNJA SA DRUGIMA

Zaštita prava na lokalnu samoupravu,

Po apelaciji Općinskog načelnika, Ustavni sud FBiH je pozitivno odlučio o zahtjevu za zaštitu prava na lokalnu samoupravu i ocjenu ustavnosti **Zakona o matičnim knjigama FBiH, Zakona o vatrogastvu FBiH i Zakona o vatrogastvu ZDK**, tj. presuđeno je pozitivno po apelaciji Načelnika da se navedeni propisi ne odnose Općinu Tešanj, odnosno da se ne odnose odredbe zakona koji predviđaju povećanje plaća uposlenicima za pojedina radna mjesta. Ovim smo izbjegli moguće sudske presude koje su u nekim općinama dostizale iznose veće od 100.000 KM. Takođe, ovo je olakšavalo Općini da uređuje svoje poslovanje te planira finansijska sredstva u skladu sa nadležnostima i mogućnostima. Osim toga, u niz sudskih postupaka kao npr. onih vođenih za Ljeskovac sudski je potvrđeno ispravno postupanje općine Tešanj. Više detalja o istom se može pronaći u Izvještaju Pravobranioca.

Saradnja sa drugim općinama

Nastavljena je saradnja sa drugim općinama. Naročito je bila prisutna intenzivna saradnja sa susjednim općinama Doboj jug i Usora (zajednički kolektori i uređaj za tretman otpadnih voda i dr.), te općinama Žepče i Teslić u području mikroregije pogodne za investiranje (projekat COBEAR). Sa susjednim općinama održan je niz različitih sastanaka Teslić, Doboj, Doboj Jug, Usora, Žepče.

Tokom 2017. godine općinu su posjetile predstavnici ili zvanične delegacije općina: Travnik, Doboj Istok, Doboj, Sarajevo, Seldžuklu i Kutahija (R. Turska), Šoštanj (R. Slovenija).

Ambasade i međunarodne organizacije

Općina Tešanj je u 2017 godini aktivno sarađivala sa predstavnicima ambasada akreditovanih u Bosni i Hercegovini i brojnim stranim i domaćim organizacijama. Ostvaren je kontakt sa slijedećim ambasadama u BiH: **SR Njemačka** (posebno na prihvatanju partnerstva za Sajam privrede 2018), **Malezija, Japan** (primopredaja deminiranih površina i okončanje projekta), **SAD** (javno-privatno partnerstvo), **Švicarska i Švedska** (kroz projekte koji se provode) **R Turska** (saradnja sa partnerskim općinama), **R Češka**, dok je u pripremi aktivnija saradnja u 2018. godini **Italija (sajam privrede)** i **R. Slovenija**. Dio ostvarenih kontakata sa ambasadama rezultirao je i direktnijim kontaktima sa razvojnim agencijama, privrednim komorama i sl.

UNDP - Jačanje uloge mjesnih zajednica

Općina Tešanj je zajedno sa još 12 općina ispunila uslove i uzela učešće u Projektu "Jačanje uloge mjesnih zajednica (MZ) u Bosni i Hercegovini (BiH)" koji je zajednička inicijativa Vlada Švicarske i Švedske, čija je vrijednost 14,5 miliona KM a realizuje se putem UNDP." U sklopu istog je realizovano niz aktivnosti a izdvojiti ćemo:

a) Nabavka IT opreme za potrebe Društvenog centra i MZ u Projektu:

Sve MZ su u februaru 2017. preuzele IT opremu i to: Tablet x7 (2293,20 KM), Monitor x7 (1246,35 KM), All in van x7 (1694,10 KM) i CJ x7 (7871,40 KM), ukupna vrijednost opreme je **21.797,10 KM**

b) Opremanje društvenog centra:

Tokom realizacije projekta urađeno je kandidovanje i izbor objekta za saniranje i opremanje a kroz proceduru je odabrana zgrada MZ Dobropolje Mekiš; U adaptaciju zgrade utrošeno je 11.466,00 KM sredstava UNDP i 2000 KM sredstava Općine i MZ, objekat je opremljen kancelarijskim namještajem vrijednosti cca 5000 KM, te je u društveni centar UNDP ukupno uložio **18.466,00 KM**.

c) Realizovani su projekti po MZ u 2016 godini i to (završeni u 2017.):

- MZ Jablanica- izgradnja trotoara pored Osnovne škole u dužini cca 250 m;
- MZ Jelah- izgradnja novih tribina na stadionu FK Borac;
- MZ Kalošević- asfaltiranje putne komunikacije OŠ- Industrijska Zona;
- MZ Miljanovci-Lončari- presvlačenje dijela puta i izgradnja parkinga;
- MZ Raduša- Uređenje zgrade MZ
- MZ Tešanjka-Adaptacija sportskog poligona kod područne škole

d) Neke od aktivnosti 2017

- Start UP dan u saradnji sa networks-om, u sklopu projekta prvi ovakav događaj je organizovan upravo u Tešnju, u aktivnosti uključeno i Udruženje privrednika
- Otvorenje Društvenog centra Dobropolje Mekiš organizovano u Martu mjesecu uz prisustvo predstavnika Švedske ambasade u BiH i organizaciju prigodnog programa
- Razgovor s Načelnikom Općine, na razgovor pozvani predstavnici MZ, UG, vijećnici i građani;
- Ponovo održani forumi građana i odabrani prioriteta za apliciranje projekata koji će se finansirati iz programa UNDP, urađene apliciranje na raspisan poziv i u ovom periodu MZ pružena maksimalna pomoć;
- Edukacije na teme: Motivacija, Lobiranje i zagovaranje, Efikasno vođenje društvenog centra Monitoring i evaluacija, Efikasno vođenje sa težištem na komunikaciju, Upravljanje projektnim ciklusom

e) Realizacija projekata NVO sa područja ovih 6 MZ i to:

EKO MLADI JABLANICA- "Zajedno u bolje sutra"; JOM JELAH- "Izgradnja NVO kutka"; UŽ RUKA KALOŠEVIĆ- "Ekonomsko osnaživanje i jačanje poduzetničkog duha žena "; Jorgovan MILJANOVCI- "Trebamo, možemo, hoćemo"; UG Bukovac- "Izgradnja dječijeg igrališta na Kulici" i NK Pobjeda TEŠANJKA-"Zmajići-škola fudbala".

f) Projekti koji su ugovoreni u 2017. godini

- MZ Jablanica- izgradnja krova na školskoj sali i izgradnja bazne ploče, **završeno** ;
- MZ Jelah- Adaptacija sportskog poligona kod Osnovne škole-**završeno**;
- MZ Kalošević- izgradnja krova na školskoj sali- **završeno**;
- MZ Miljanovci-Lončari- izgradnja krova na školskoj sali- **završeno**;
- MZ Raduša- Uređenje sportskog poligona Luke- **završeno**;
- MZ Tešanjka-Asfaltiranje puta Bedaci-Numera- **završeno**.

Ukupnu dobit Općine od učestvovanja u ovom Projektu možemo podjeliti na nematerijalnu i materijalnu dobit. Materijalna dobit Općine do kraja godine, bez vlastitog učešća-isključivo sredstva Švicarske i Švedske implementirana putem UNDP BiH će iznositi **332.887,60 KM, uz uplaćenih 133.232.2 KM** vlastitih sredstava dolazimo do podatka da je u sklopu projekta JU MZ u BiH ukupna vrijednost investicija u šest plus jedna MZ iznosila je **466.119,80 KM**.

Projekat općinskog okolišnog i ekonomskog upravljanja (MEG)

Nakon ulaska u projekat okolišnog i ekonomskog upravljanja, otpočelo se sa realizacijom aktivnosti u cilju poboljšanja sistema upravljanja razvojem, te usluga u okolišnim i ekonomskim sektorima. Posebno se daje naglasak na odgovornosti komunalnih poduzeća u oblasti poboljšanja organizacijskih, operativnih i finansijskih kapaciteta kod vodosnabdijevanja i rješavanja otpadnih voda a općina kod definisanja pravnog i institucionalnog okvira pružanja ovih komunalnih usluga, što je rezultiralo potpisivanjem ugovora između Općine i JP RAD o pružanju javnih vodnih usluga. Poseban naglasak ugovora je na regulisanju određenih odnosa u obračunu cijena, kao što je primjena tarifnog sistema koji bi trebao biti osnova za naplatu javnih vodnih usluga.

Kao najbolje rangirana općina od 18 odabranih iz regiona Bihać, Prijedor, Doboj i Tuzla, očekujemo podršku za 2018. godinu:

- za vodosnabdijevanje 240.000 KM,
- za mjerenje gubitaka vode cca 30.000 KM, i
- za sufinansiranje poticajnih mjera u privredi 42.000 KM.

Projekat zatvaranja kolektivnih centara i alternativnog smještaja putem osiguranja javnih stambenih rješenja na području Federacije Bosne i Hercegovine CEB 2

Nakon dugotrajnih procedura, izvršenog izbora izvođača, nadzornog organa i drugih aktivnosti, 16.10.2017. godine su započeti radovi na izgradnji višestambenog porodičnog objekta sa 21 stambenom jedinicom na lokalitetu Medakovo. U pomenuti objekat uselit će se 65 osoba koje su raseljene, povratnici ili druge socijalno ugrožene osobe, a koji su žive u kolektivnom naselju Vila – Bukva i u alternativnom smještaju na Logoborama. Rok za završetak radova je 360 kalendarskih dana, postoji određeni zastoj u izvođenju radova koji se rješavana na nivo izvođača i Ministarstva za raselje i izbjeglice FBiH (nadležni organ za kontrolu izvođenja radova) Ukupna vrijednost Projekta je oko 1.050.000 KM (milion i pedeset hiljada) uz učešće Općine Tešanj sa 180.000 KM u vrijednosti zemljišta, projektovanja, komunalne infrastrukture i nadzora, a ostala sredstva su obezbijeđena od strane BiH.

Drugo - Pored navedenog općina je saradivala i sa drugim organizacijama; USAID, Kult, CRS, Udruženje poslodavaca FBiH, Privredna komora FBiH, Mozaik,

REZIME

Postoji još mnogo stvari koje bi nekog mogle zanimati o radu Općinskog načelnika i organa uprave i mnogo informacija koje nisu mogli stati u Izvještaj. Općinski načelnik kao organ lokalne vlasti dio je lokalne samouprave i u radu Općinskog načelnika (uostalom kao i Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u izvještaju opisanih aktivnosti. Ukupan pogled na rad u 2017. godini valja uzeti u kontekstu vremena i okolnosti, izazova i prilika koji su bile pred svima nama.



Općinski načelnik

Mr.sc. Suad Huskić,